



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Prima Duo Sæcula Complectens

Fleury, Claude

August. Vind. [u.a.], 1758

VD18 13322648

§. 58. S. Barnabæ Doctrina Moralis.

[urn:nbn:de:hbz:466:1-66002](https://nbn-resolving.org/urn:nbn:de:hbz:466:1-66002)

sum in Templum incorruptibile. Pergit Sæculum I.
 Apostolus in hunc modum: *Qui enim* A. C. 98.
salvari desiderat, non respicit hominem,
sed eum, qui in ipso habitat, & ex eo lo-
quitur; stupefactus, quod talia verba nun-
quam audiverit ex ore hominis, neque au-
dire expetierit. Talis homo est Templum
spirituale Domino ædificatum. Hic est
 tenor primæ partis Epistolæ S. Barnabæ,
 quam sic claudit: *Quantum puto, omnia,*
quæ erant in mente mea, simpliciter ex-
posui, & nihil eorum omisi, quæ saluti
vestræ facere possunt; dico autem de re-
bus hujus sæculi præsentis, si enim vobis de
rebus futuri sæculi loquerer, non intelli-
geretis, eo quod in parabolis tantum expri-
mi possint.

§. LVIII.

S. Barnabæ Doctrina Moralis.

Secunda Epistolæ pars Doctrinam Mora-
 lem continet, & praxin. *Transseamus,*
inquit: ad aliam Doctrinam. Duce sunt viæ
a se valde diversæ, via lucis, & via tene-
brarum, illi præsident Angeli Dei, qui du-
cunt ad lucem, isti Angeli Satanæ. Ille
est Dominus omnium sæculorum, iste est
Princeps hujus temporis, & iniquitatis.
Hæc est igitur via lucis; si quis es, qui per
opera tua ad destinatam tibi æternam fe-
licitatem pervenire anhelas; Diliges eum,
qui te creavit; eum glorificabis, qui te
 morte

n. 18.

c. 19.

Sæculum I.
A. C. 98.

morte sua redemit. Simplex eris corde, & Spiritu dives. Illis, qui in via mortis ambulant, non sociaberis. Omnem hypocrysin oderis. Non te extolles, sed eris humilis. Tibi ipsi gloriam non attribuas. Contra proximum tuum malum consilium non capies, nec fornicationem, nec adulterium committes, nec aliam admittes impudicitiam. Verbum Dei, quod tibi datum est, de ore tuo non exhibit, ut quidquam impuri exprimas. Si ob culpam reprehendis quemquam, non præcipitabis iudicium; sed eris lenis, pacificus, ad verba, quæ audieris pavidus, an ita se res habeant, vel non? nullatenus inquirens.

Rancorem contra proximum tuum non servabis in corde tuo. Proximum tuum diliges plus, quam vitam tuam. Infantem nec ante, nec post nativitatem opprimes. Hoc præceptum erat summe inculcandum Gentilibus, crimini sibi non vertentibus, suos liberos interimere, quando prolis multitudo oneri erat. Non abjicies curam educandi filii tui, & filiæ tuæ, sed ab infantia timorem Domini docebis eos. Non eris avarus. Cor tuum non sit agglutinatum magnatibus. Sed cum justis, & humilibus sit conversatio tua. Quidquid acciderit tibi, tanquam pro beneficio gratias Deo ages. Subditus eris Domino, & Dominis, cum respectu, & timore tanquam Deum repræsentantibus. Non eris duplex corde,

Sæculum I.
A. C. 98.

corde, nec lingua, quia duplicitas linguæ laqueus est mortiferus. Non cum amaritudine dominaberis famulæ tuæ, aut mancipio tuo, ne videaris timorem Dei abjecisse, tui servorumque tuorum Domini, qui vocavit omnes sine Personarum respectu, quibus Spiritum suum communicare prædestinavit. Omnium bonorum tuorum participem facies proximum tuum, nec tibi quidquam proprium putabis; si enim bona incorruptibilia vobis communia sunt, quanto magis corruptibilia?

Non eris promptus ad loquendum, laqueus enim mortis est lingua hominis. Castus eris secundum virtutem tuam, & supra. Cave manus tuas extendas ad accipendum, & retrahas, cum dandum est. Omnes, qui tibi verbum Domini annuntiant, ut pupillam oculi diliges. Diem judicii diu noctuque ante oculos habebis. Fideles quotidie invisēs, præsentia tua, & sermonibus solatium feres, animarum saluti studens. Manibus tuis laborabis, ut redimas peccata tua. Dabis sine hæsitazione, & murmuratione; dabis quibuscunque, qui a te petierint, & cognosces eum, qui scit retribuere. Depositum custodies nihil addens, vel auferens. Divisionis non eris causa, sed inter litigantes pacem procurabis. Non conferes te ad orationem cum mala conscientia. Hæc de via lucis.

Eccli. 4. 30.

Luc. 4. 30.

Via

Sæculum I.
A. C. 98.

c. 20.

Via autem tenebrarum est obliqua, & maledictionibus plena, ducit enim ad mortem, & supplicium æternum. In hac via reperiuntur mala, quæ occidunt animas; Idololatria, audacia, elatio, hypocrisis, cordis duplicitas, adulterium, homicidium, furtum, superbia, apostasia, dolus, malitia, impudentia, veneficium, Magia,avaritia, Dei contemptus. Qui hanc viam ambulant; bonos persequuntur, veritatem oderunt, mendacium amant, virtutis præmia nesciunt, bono non adhærent. Viduæ, & orphano non faciunt justitiam; vigilant non ex timore Dei, sed ex malitia. Procul ab eis sunt levitas, & patientia. Vanitates amant, proprium quæerunt comòdum, misericordia in pauperem non tanguntur, nec est eis afflictorum cura. Semper ad criminationes parati sunt; Deum, qui creavit eos non agnoscunt; Liberorum suorum parricidæ; operum Dei corruptores. Miseros avversantur, afflictis afflictionem addunt; divitum defensores, pauperum injusti iudices. In omnibus peccatores.

c. 21.

In Epilogo S. Barnabas Fideles ad horum præceptorum observantiam ex timore appropinquantis judicii exhortatur; commendat sui memoriam, & claudit Epistolam his verbis. Salutem vobis dico, filii charitatis! & pacis; Dominus gloriæ, & omnis gratiæ cum Spiritu vestro sit.